

小楷字帖

江苏人民出版社

封面题签：

陈慎之

小楷字帖  
陈慎之

---

江苏人民出版社出版  
江苏省新华书店发行 苏州彩色印刷厂印刷  
1982年4月第1版 1982年4月第1次印刷 印数1—202,500册

---

书号：7100·171

每册：0.27元

逍遥游

庄周

北冥有鱼，其名为鲲。鲲之大，不知其几千里也。化而为鸟，其名为鹏。鹏之背，不知其几千里也。怒而飞，其翼若垂天之云。是鸟也，海运则迁徙于南冥。南冥者，天池也。齐谐者，志怪也。谐之言曰：鹏之徙于南冥也，水击三千里，抟扶摇而上者九万里，去以六月息者也。野马也，尘埃也，生物之以息相吹也。天之苍苍，其正色邪？其远无所至极邪？其视下

也亦若是则已矣。且夫水之积也不厚，则其负大舟无力；覆杯水于坳堂之上，则芥为之舟；置杯焉则胶，水浅而舟大也。风之积也不厚，则其负大翼也无力。故九万里，则风斯在下矣；而后乃今培风；背负青天而莫之夭阏者，而后乃今将图南。蜩与鸪笑之曰：我决起而飞，枪榆枋，时则不至，而控于地而已矣；奚以之九万里而南为？适莽苍者，三泂而反，腹犹果然；适百里者，宿舂粮；适千里者，三

月聚粮之二虫又何知。小知不及大知，小年不及大年。奚以知其然也？朝菌不知晦朔，蟪蛄不知春秋，此小年也。楚之南有冥灵者，以五百岁为春，五百岁为秋。上古有大椿者，以八千岁为春，八千岁为秋。此大年也。而彭祖乃今以久特闻，众人匹之，不亦悲乎？汤之问棘也是已。汤问棘曰：‘上下四方有极乎？’棘曰：‘无极之外，复无极也。’穷发之北，有冥海者，天池也。有鱼焉，其广数千里，未有知其修者。

其名为鯤。有鸟焉，其名为鹏，背若泰山，翼若垂天之云，抟扶摇羊角而上者九万里，绝云气，负青天，然后图南，且适南冥也。斥鷃笑之曰：彼且奚适也？我腾跃而上，不过数仞而下，翱翔蓬蒿之间，此亦飞之至也。而彼且奚适也？此小大之辩也。

### 桃花源记

陶渊明

晋太原中，武陵人捕鱼为业。缘溪行，忘路之远近，忽逢桃花林，夹岸数百步，中无杂树，芳草鲜美，落

英纒紛。漁人甚异之。复前行。欲穷其林。林尽水源。便得一山。山有小口。髣髴若有光。便捨船从口入。初极狭。才通人。复行数十步。豁然开朗。土地平旷。屋舍俨然。有良田。美池。桑竹之属。阡陌交通。鸡犬相闻。其中往来种作。男女衣著。悉如外人。黄发垂髻。并怡然自乐。见渔人。乃大驚。问所从来。具答之。便要还家。设酒杀鸡作食。村中闻有此人。咸来问讯。自云先世避秦时乱。率妻子邑人。来此绝境。不

复出焉。遂与外人间隔。问今是何世，乃不知有汉，  
无论魏晋。此人一一为具言所闻，皆叹惋。余人各  
复延至其家，皆出酒食，停数日，辞去。此中人语云：  
不足为外人道也。既出，得其船，便扶向路，处处志  
之。及郡下，诣太守，说如此。太守即遣人随其往，寻  
向所志，遂迷，不复得路。南阳刘子骥，高尚士也，闻  
之，欣然亲往，未果，寻病终。后遂无问津者。

## 陋室铭

刘禹锡



山不在高，有仙则名。水不在深，有龙则灵。斯是陋室，惟吾德馨。苔痕上阶绿，草色入帘青。谈笑有鸿儒，往来无白丁。可以调素琴，阅金经。无丝竹之乱耳，无案牍之劳形。南阳诸葛庐，西蜀子云亭。孔子云：何陋之有。

祭十二郎文

韩愈

年月日，季父愈闻汝丧之七日，乃能衔哀致诚，使建中远具时羞之奠，告汝十二郎之灵。呜呼！吾少

孤及长，不省所怙，惟兄嫂是依。中年兄歿南方，吾与汝俱幼，从嫂归葬河阳。既又与汝就食江南，零丁孤苦，未尝一日相离也。吾上有三兄，皆不幸早世。承先人后者，在孙惟汝，在子惟吾。两世一身，形单影只。嫂尝抚汝，指吾而言曰：韩氏两世，惟此而已。汝时尤小，当不复记忆。吾时虽能记忆，亦未知其言之悲也。吾年十九，始来京城。其后四年而归视汝。又四年，吾往河阳省墳墓，遇汝从嫂丧来葬。

又二年，吾佐董丞相于汴州，汝来省吾，止一岁，请  
归取其孥。明年，丞相薨，吾去汴州，汝不果来。是年，  
吾佐戎徐州，使取汝者始行，吾又罢去，汝又不果  
来。吾念汝从于东，东亦客也，不可以久。图久远者，  
莫如西归，将成家而致汝。呜呼，孰谓汝遽去吾而  
殁乎？吾与汝俱少年，以为虽暂相别，终当久相与  
处，故捨汝而旅食京师，以求斗斛之祿。诚知其如  
此，虽万乘之公相，吾不以一日辍汝而就也。去年

+

孟东野往，吾书与汝曰：吾年未四十，而视茫茫，而发苍苍，而齿牙动摇。念诸父与诸兄，皆康彊而早世，如吾之衰者，其能久存乎？吾不可去，汝不肯来，恐旦暮死，而汝抱无涯之戚也。孰谓少者殁而长者存，彊者夭而病者全乎？呜呼！其信然邪？其梦邪？其传之非其真邪？信也。吾兄之盛德而夭其嗣乎？汝之纯明而不克蒙其泽乎？少者彊者而夭，长者衰者而存，全乎？未可以爲信也。梦也。传之非其

真也。东野之书、耿兰之报、何为而在吾侧也。呜呼！其信然矣。吾兄之盛德而夭其嗣矣。汝之纯明宜业其家者、不克蒙其泽矣。所谓天者诚难测、而神者诚难明矣。所谓理者不可推、而寿者不可知矣。虽然、吾自今年来、苍苍者、或化而为白矣。幼摇者、或脱而落矣。毛血日益衰、志气日益微。几何不从汝而死也。死而有知、其几何离、其无知、悲不几时、而不悲者、无穷期矣。汝之子始十岁、吾之子始五

岁少而彊者不可保。如此孩提者，又可冀其成立邪。呜呼哀哉！呜呼哀哉！汝去年书云：比得软脚病，往：而剧。吾曰：是疾也，江南之人常：有之，未始以为忧也。呜呼！其竟以此而殒其生乎？抑别有疾而致斯乎？汝之书，六月十七日也。东野云：汝殁于六月二日，耿兰之报无月日。盖东野之使者，不知问家人以月日。如耿兰之报，不知当言月日。东野与吾书，乃问使者，使者妄称以应之耳。其然乎？其

不然乎。今吾使建中祭汝、吊汝之孤、与汝之乳母。彼有食可守、以待终丧、则待终丧而取以来。如不能守以终丧、则遂取以来。其余奴婢、并令守汝丧。吾力能改葬、终葬汝于先人之兆、然后惟其所愿。呜呼、汝病吾不知时、汝殁吾不知日、生不能相养、以共居、殁不能抚汝以尽哀、斂不凭其棺、窆不临其穴、吾行负神明、而使汝夭。不孝不慈、而不得与汝相养以生、相守以死。一在天之涯、一在地之角。

十四  
生而影不与吾形相依，死而魂不与吾梦相接。吾  
实为之，其又何尤！彼苍者天，曷其有极！自今以往，  
吾其无意于人世矣！当求数顷之田于伊颍之上，  
以待余年。教吾子与汝子，幸其成长；吾女与汝女，  
待其嫁，如此而已。呜呼，言有穷而情不可终，汝其  
知也邪？其不知也邪？呜呼哀哉！尚饗。

小石潭记

柳宗元

从小丘西行百二十步，隔篁竹，闻水声，如鸣珮环，



心乐之。伐竹取道，下见小潭，水尤清冽。全石以为底，近岸，卷石底以出，为坻，为屿，为嵒，为岩。青树翠蔓，蒙络摇缀，参差披拂。潭中鱼可百许头，皆若空游无所依。日光下彻，影布石上，佴然不动；俶尔远逝，往来翕忽，似与游者相乐。潭西南而望，斗折蛇行，明灭可见。其岸势犬牙差互，不可知其源。坐潭上，四面竹树环合，寂寥无人，凄神寒骨，悄怆幽邃。以其境过清，不可久居，乃记之而去。同游者：吴武